

**6. Búfjár og dýrahald.**

- 6.1. Minnkabú
- 6.2. Refabú
- 6.3. Hænsna- og kjúklingabú
- 6.4. Svínabú
- 6.5. Kanínurækt og kanínuhald
- 6.6. Hestahald
- 6.7. Dýraspítalar
- 6.8. Hunda- og kattageymslur
- 6.9. Gæludýraverslanir

**7. Starfssemi er snertir vélknúin farartæki.**

- 7.1. Kappaksturs-, æfinga- og kennslubrautir
- 7.2. Flugvellir og flugbrautir
- 7.3. Bifreiðaverkstæði
- 7.4. Ryðvarnarverkstæði
- 7.5. Smurstöðvar
- 7.6. Bensinstöðvar
- 7.7. Vöruflutningamiðstöðvar
- 7.8. Biðstöðvar leigubifreiða
- 7.9. Bið- og endastöðvar strætisvagna

**8. Ýmislegt.**

- 8.1. Stórar spennistöðvar
- 8.2. Stórar vörugeymslur
- 8.3. Líkbrennslur
- 8.4. Skotvellir
- 8.5. Skemmtigarðar, tívolí, fjölleikahús o.þ.h.
- 8.6. Æfingasvæði slökkviliðs
- 8.7. Skólþreinsistöðvar
- 8.8. Þvottahús

31. júlí 1989

Nr. 387

**REGLUGERÐ****um greiðslur verðmiðlunargjalda til mjólkurbúa árið 1988.**

## 1. gr.

Tekjur af verðmiðlunargjaldi mjólkur skv. 19. gr. laga nr. 46/1985 skal varið til eftirtalinna viðfangsefna:

- a. verðmiðlunar á milli afurðastöðva til að jafna flutningskostnað frá framleiðendum að afurðastöð í þeim tilgangi að auðvelda hagkvæman rekstur stöðvanna.
- b. að koma á hentugri verkaskiptingu milli afurðastöðva.
- c. að jafna aðstöðu afurðastöðvanna til að koma vörum sínum á markað.
- d. að greiða nauðsynlegan flutning á milli svæða þar sem vöntun kann að vera á einstökum afurðum.

## 2. gr.

Verðmiðlunargjald til þeirra verkefna sem um getur í 1. gr. skal miðast við það gjald sem innheimt er af framleiðslu mjólkur skv. ákvörðun landbúnaðarráðherra á tímabilinu 1. janúar 1988 til 31. desember 1988.

## 3. gr.

Verðmiðlunin skal ná til eftirtalinna mjólkurbúa:

M.s. í Reykjavík.  
M.s. í Borgarnesi.  
M.s. í Búðardal.  
M.s. á Patreksfirði.  
M.s. á Ísafirði.  
M.s. á Hvammstanga.  
M.s. á Blönduósi.  
M.s. á Sauðárkróki.  
M.s. á Akureyri.

M.s. á Húsavík.  
M.s. á Þórshöfn.  
M.s. á Vopnafirði.  
M.s. á Egilsstöðum.  
M.s. í Neskaupstað.  
M.s. á Djúpavogi.  
M.s. á Höfn í Hornafirði.  
Mjólkurbú Flóamanna.

Við ákvörðun á verðmiðlunarþörf innan 1. sölusvæðis skal rekstur allra mjólkurbúa á því svæði reiknaður sameiginlega.

## 4. gr.

Framleiðsluráð landbúnaðarins reiknar út verðmiðlunargreiðslur til mjólkurbúa skv. ákvæðum þessarar reglugerðar. Við ákvörðun á greiðslum úr verðmiðlunarsjóði skal leggja til grundvallar ársreikning viðkomandi mjólkurbús og skal vera staðfest með áritun af löggiltum endurskoðanda að hann sé gerður samkvæmt lögum. Ársreikningur skal hafa að geyma rekstrarreikning, efnahagsreikning, fjármagnsstreymi eða sjóðsstreymi og skýringar. Framleiðsluráð landbúnaðarins getur krafist enn frekari sundurliðana og skýringa af hálfu viðkomandi mjólkurbús áður en því er ákveðinn réttur til framlags úr verðmiðlunarsjóði.

**Með ársreikningi skal fylgja:**

- a. Sundurliðanir á samsettum liðum.
- b. Fyrninga- og endurmatsskýrsla.
- c. Rekstraruppgjör flutninga mjólkur að vinnslustöð.
- d. Yfirlit yfir öll langtímalán er sýni stöðu þeirra í upphafi árs, lántökur, afborganir, verðbætur/gengismun, stöðuna í árslok, gjaldfallna vexti, gjaldfallnar afborganir og afborganir á næsta ári.
- e. Greinargerð um vaxtaútreikning milli mjólkurbús og rekstraraðila/mjólkurbús og vegna stofnsjóðs og varasjóðs.
- f. Skýrsla um fjárfestingar og viðhald.
- g. Yfirlit um myndun grundvallarverðs.
- h. Yfirlit yfir magn hrámmjólkur sem fer um vinnslustöðina þ.e. innvegið magn +/-aðkeypt/seld hrámmjólk.
- i. Skýrsla um nýtingu innveginnar mjólkur (fita, undanrenna o.fl.).
- j. Hlutdeild í sameiginlegum kostnaði sbr. ákvæði 7. gr.

## 5. gr.

Við ákvörðun á verðmiðlunarþörf hvers mjólkurbús skal auk þeirra liða sem um getur í 8. gr., telja eftirfarandi liði með að hluta eða engu leyti, sem kostnað:

1. Af reiknuðum vöxtum af varasjóði mjólkursamlaganna og öðru eigin fé 40%.
2. Af tillögum í varasjóð og aðra eiginfjársjóði 40%.
3. Rýrnun vegna slæmrar nýtingar á innveginni mjólk sbr. 6. gr. skal ekki telja með sem kostnað.
4. Verðfellingar eða afslætti frá skráðu heildsöluverði vegna gæðaaffalla skal ekki telja með sem kostnað.

## 6. gr.

Tekjuskerðing sem hefur orðið vegna slæmrar nýtingar á innveginni mjólk skiptist þannig milli vinnslustöðvar og verðmiðlunarsjóðs við ákvörðun verðmiðlunargjalda:

	Vinnslustöð	Verðmiðl. sjóður
a. Fiturýrnun . . . . .	100%	
b. Undanrennurýrnun . . . . .	50%	50%
c. Nýmjólkurrýrnun . . . . .	100%	

Hvert mjólkurbú skal skila greinargerð um nýtingu og rýrnun með ársuppgjöri. Heimilt er að veita M.s. Þórshöfn og M.s. Patreksfirði undanþágu frá ákvæðum b. liðar.

## 7. gr.

Þar sem mjólkurbú er rekið í fjárhagslegum tengslum við annan atvinnurekstur, skal sá hluti sameiginlegs kostnaðar sem bókfærður er á rekstur mjólkurbúsins, grundvallast á sannanlegum kostnaði sem hinn aðilinn leggur til mjólkurbúsins og skal fylgja í gögnum um verðmiðlunarþörf sérstök greinargerð þar um.

## 8. gr.

Við endanlega ákvörðun verðmiðlunar til hvers mjólkurbús fyrir sig, skal draga frá reiknaðri þörf verðmiðlunar 60% hagnaðar af rekstri þess er varð árin 1986 og 1987 og hann framreiknaður m.v. lánskjaravísitölu í lok hvers árs.

## 9. gr.

Nú verður reiknuð verðmiðlunarþörf meiri en heimilt er að ráðstafa til verðmiðlunar skv. 2. gr., og skal þá skerða rétt allra búa til verðmiðlunar í sama hlutfalli af reiknaðri verðmiðlunarþörf.

## 10. gr.

Greiðslum úr verðmiðlunarsjóði vegna rekstrarársins 1988, skal lokið eigi síðar en 31. ágúst 1989.

## 11. gr.

Ársreikning mjólkurbús ásamt fylgigögnum fyrir árið 1988 sbr. 4. gr. skal skila til Framleiðsluráðs landbúnaðarins eigi síðar en 10. ágúst 1989. Ef reikningsskil mjólkurbús berst síðar, er ekki tryggt að viðkomandi aðili komi til álita við frekari úthlutun úr verðmiðlunarsjóði árið 1988.

## 12. gr.

Reglugerð þessi er sett samkvæmt heimild í lögum nr. 46 27. júní 1985 um framleiðslu, verðlagningu og sölu á búvörum og öðlast gildi þegar í stað.

*Landbúnaðarráðuneytið, 31. júlí 1989.*

**Steingrímur J. Sigfússon.**

*Jón Höskuldsson.*